



Broj: 02-04-27990-29/26  
Sarajevo, 26.05.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 17. stav (2) Zakona o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26) Vlada Kantona Sarajevo, na **130.** sjednici održanoj **26.05.2026.** godine, donijela je

## ZAKLJUČAK

1. Donose se Smjernice ekonomske i fiskalne politike Kantona Sarajevo za period 2027.-2029. godina, koje su sastavni dio ovog zaključka.
2. Smjernice iz tačke 1. ovog zaključka bit će objavljene na web stranici Ministarstva finansija Kantona Sarajevo.
3. Ovaj zaključak stupa na snagu danom donošenja.



**U VLASTENJU PREMIJERA**  
**Ministrica Šoftić Kadenić Darja**

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
- ④ 4. Ministarstvo finansija Kantona Sarajevo,
5. Evidencija,
6. A r h i v a.





Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-04-27990-29.1/26  
Sarajevo, 26.05.2026. godine

***SMJERNICE EKONOMSKE I FISKALNE POLITIKE  
ZA PERIOD 2027.-2029.***

## Sadržaj

<b>PREGLED SKRAĆENICA</b> .....	3
<b>LISTA TABELA</b> .....	3
<b>LISTA GRAFIKONA</b> .....	3
<b>SAŽETAK</b> .....	4
<b>UVOD</b> .....	4
<b>1. STRATEŠKI CILJEVI EKONOMSKE I FISKALNE POLITIKE FEDERACIJE BIH</b> .....	7
1.1. STRATEGIJA RAZVOJA KANTONA SARAJEVO 2021-2027. ....	8
<b>2. OSNOVNI MAKROEKONOMSKI POKAZATELJI</b> .....	8
2.1. OSNOVNI POKAZATELJI U PROTEKLOM PERIODU ZA KANTONA SARAJEVO.....	10
2.1.1. <i>Industrija</i> .....	10
2.1.2. <i>Šumarstvo</i> .....	11
2.1.3. <i>Turizam</i> .....	11
2.1.4. <i>Zaposlenost i nezaposlenost</i> .....	11
2.1.5. <i>Plaće</i> .....	12
2.1.6. <i>Stanovništvo</i> .....	13
2.1.7. <i>Cijene</i> .....	13
2.1.8. <i>Vanjska trgovina</i> .....	14
<b>3. OSNOVNI POKAZATELJI EKONOMSKE I FISKALNE POLITIKE</b> .....	15
3.1. <i>Rizici ostvarenja projekcija i pretpostavki</i> .....	16
<b>4. PRETPOSTAVKE DRUŠTVENOG I PRIVREDNOG RAZVOJA ZA BUDŽETSKU I SLJEDEĆE DVIJE GODINE</b> .....	17
4.1. <i>Strateški pravci razvoja Kantona Sarajevo</i> .....	18
4.2. <i>Prioriteti mjere i strateški projekti Vlade Kantona Sarajevo</i> .....	19
<b>5. PROCJENA PRIHODA BUDŽETA KS</b> .....	20
<b>6. PLAN UPRAVLJANJA JAVNIM DUGOM KS</b> .....	23
<b>7. ZAKLJUČAK</b> .....	26



## Pregled skraćenica

<i>Skraćenica</i>	<i>Puni naziv</i>
BDP	Bruto društveni proizvod
BHAS	Agencije za statistiku Bosne i Hercegovine
CBBiH	Centralna banka Bosne i Hercegovine
DEP	Direkcija za ekonomsko planiranje
DOB	Dokument okvirnog budžeta
EU	Evropska unija
EUR	Euro valuta
FBiH	Federacija Bosne i Hercegovine
JPP	Javno privatno partnerstvo
JZU	Javna zdravstvena ustanova
KS	Kanton Sarajevo
KV	Kvalifikovani radnik
NK	Nekvalifikovani radnik
NSS	Niža stručna sprema
PJI	Program javnih investicija
PK	Polukvalifikovani radnik
SSS	Srednja stručna sprema
VKV	Visokokvalifikovan radnik
VŠS	Viša stručna sprema
VSS	Visoka stručna sprema
ZISKS	Zavod za informatiku i statistiku Kantona Sarajevo

## Lista tabela

<u>Tabela 1: Osnovni makroekonomski pokazatelji za period 2024 – 2029. godine</u> .....	9
<u>Tabela 2: Rast industrijske proizvodnje</u> .....	10
<u>Tabela 3: Pad industrijske proizvodnje</u> .....	11
<u>Tabela 4: Prosječne potrošačke cijene za Kanton Sarajevo u 2025. godini (u KM sa PDV-om)</u> .....	14
<u>Tabela 5: Izvoz po mjesecima i općinama u Kantonu Sarajevo (Decembar 2025.)</u> .....	14
<u>Tabela 6: Uvoz po mjesecima i općinama u Kantonu Sarajevo (Decembar 2025.)</u> .....	15
<u>Tabela 7: Projicirani prihodi za trogodišnji period 2027.-2029. godine</u> .....	22
<u>Tabela 8: Prihodi od indirektnih poreza iz raspodjele sa Jedinstvenog računa</u> .....	23
<u>Tabela 9: Prihodi od poreza na dohodak koji pripadaju jedinicama lokalne samouprave</u> .....	23
<u>Tabela 10: Prihodi za Zavod zdravstvenog osiguranja Kantona Sarajevo</u> .....	23
<u>Tabela 11: Prihodi za Javnu ustanovu Služba za zapošljavanje Kantona Sarajevo</u> .....	23
<u>Tabela 12: Pregled stanja duga i struktura po kreditima i obaveza za servisiranje za period 2027. - 2029. godine</u> .....	25

## Lista grafikona

<u>Grafikon 1: Ukupan broj nezaposlenih po stručnoj spremi (Novembar 2025. godine)</u> .....	12
--	----





U skladu sa Zakonom o budžetima Federacije BiH, Vlada KS, na prijedlog Ministarstva finansija KS, do 31. maja tekuće godine, donosi Smjernice ekonomske i fiskalne politike za period 2027.-2029. godina.

Smjernicama se nastoji uspostaviti snažnija veza prioriteta vladinih politika i budžeta za narednu godinu, kao i snažnija veza između politika Vlade KS i politika Vlade FBiH. Takođe, budžet je u snažnoj vezi sa donesenim politikama vlade, strategijama, programima, zakonima i poboljšava rezultate programa povećanjem transparentnosti, odgovornosti i predvidivosti finansiranja.

Smjernice ekonomske i fiskalne politike KS za period 2027.-2029. godine definišu fiskalni okvir kao početno budžetsko ograničenje za sve budžetske korisnike Budžeta KS. Cilj Smjernica je da na temelju osnovnih makroekonomskih pokazatelja i pretpostavki društvenog i privrednog razvoja, procjene budžetske prihode, i time odredi opći finansijski okvir za izradu DOB-a kojim se utvrđuju gornje granice rashoda za trogodišnje razdoblje za svakog budžetskog korisnika. Ovaj dokument predstavlja osnov za izradu DOB-a 2027.-2029. kojim se vrši trogodišnje planiranje okvirnog budžeta i na osnovu kojeg se izrađuje budžet za narednu godinu.

Strateški ciljevi ekonomske i fiskalne politike osiguravaju realan, sveobuhvatan i konsolidovan okvir planiranja rashoda, čime se postiže funkcionalna povezanost provođenja sveukupnih aktivnosti unutar uravnoteženog okvira prihoda i rashoda, za sve nivoe vlasti FBiH uključujući pri tome: budžet FBiH, budžete kantona, budžete općina i finansijske planove vanbudžetskih fondova, shodno odredbama Zakona o budžetima, koje je svakako neophodno posmatrati u najširem kontekstu, odnosno u kontekstu ukupnog fiskalnog kapaciteta. Smjernice ekonomske i fiskalne politike predstavljaju osnov za izradu i donošenje godišnjih i srednjoročnih planova budžetskih korisnika.

Uvažavajući navedeno, Smjernice ekonomske i fiskalne politike KS za period 2027.-2029. godine, sadrže sljedeće:

1. Strateške ciljeve ekonomske i fiskalne politike FBiH i usklađene prioritete rashoda i izdataka uključujući prioritetne strukturalne reforme;
2. Osnovne makroekonomske pokazatelje;
3. Osnovne pokazatelje ekonomske i fiskalne politike;
4. Pretpostavke društvenog i privrednog razvoja za budžetsku i naredne dvije godine;
5. Procjenu prihoda i primitaka budžeta, ciljanu fiskalnu poziciju te usklađeni nivo ukupnih ciljanih rashoda i izdataka, a koji održavaju prethodno navedene prioritete rashoda i izdataka i
6. Predviđene promjene javnog duga i strategije upravljanja javnim dugom KS.

Dokumentacionu osnovu za izradu Smjernica ekonomske i fiskalne politike KS za 2027.-2029. godinu predstavljaju:

- Revidirane projekcije javnih prihoda za 2026. godinu i projekcija za period 2027.-2029. godina od strane Federalnog ministarstva finansija, kao i odgovarajući statistički pokazatelji i informacije,
- Izvršenje Budžeta KS za 2025. godinu,
- Pokazatelji koji se odnose na nivo ostvarenih prihoda i aktuelnih pitanja izvršavanja Budžeta u proteklom periodu 2026. godine,



- Strategija razvoja FBiH 2021. – 2027. godina,
- Strategija razvoja Kantona Sarajevo 2021.-2027. godina,
- Publikacije Direkcije za ekonomsko planiranje (DEP) BiH, Agencije za statistiku BiH (BHAS) i Zavoda za informatiku i statistiku Kantona Sarajevo,
- Smjernice za trogodišnje planiranje rada Kantona Sarajevo za period 2027.-2029. godina,
- Akcioni plan 2027.-2029. implementacije Strategije razvoja Kantona Sarajevo 2021.-2027. godina,
- Strategija upravljanja javnim dugom u KS.

Cilj svake ekonomije pa tako i Kantona Sarajevo je postići privredni rast uz istovremenu visoku rastuću zaposlenost i opadanje nezaposlenosti, stabilnost cijena tj. nisku inflaciju i pozitivan vanjsko-trgovinski bilans. Za ostvarenje željenih nivoa makroekonomskih pokazatelja koriste se ekonomska politika odnosno fiskalna, monetarna i dohodovna politika. Fiskalnom politikom se upravlja budžetskim sredstvima vršeći prikupljanje prihoda i alokaciju sredstva radi finansiranja javnih rashoda sa namjerom postizanja planiranih nivoa makroekonomskih pokazatelja.

Prihodovna strana budžeta određena je očekivanim rastom privredne aktivnosti, uzimajući u obzir i trend rasta najznačajnijih prihoda budžeta Kantona Sarajevo. Značajan učinak na prihode budžeta imala je i izmjena Zakona o pripadnosti javnih prihoda u FBiH u kojem se KS doznavačavaju manja sredstva po osnovu prihoda od indirektnih poreza koji pripadaju KS. Rashodovna strana budžeta usmjerena je na provođenje aktivnosti u svrhu jačanja konkurentnosti i otpornosti privrede, uz osiguravanje primjerene zaštite posebnih slojeva stanovništva.

Uzimajući kao polaznu osnovu činjenicu da KS ima veoma ograničen utjecaj na kreiranje fiskalne politike općenito koja se odražava na ekonomsku situaciju u KS, Smjernice ekonomske i fiskalne politike KS za period 2027.-2029. godine započinju strateškim ciljevima ekonomske i fiskalne politike FBiH, koji predstavljaju temelj za strateška opredjeljenja KS u narednom periodu.

Efikasno upravljanje javnim rashodima predstavlja jedan od temelja za održiv ekonomski razvoj, s ciljem osiguranja efikasne upotrebe javnih sredstava i finansijske discipline. Kao ključni prioriteti Vlade KS u narednom srednjoročnom periodu, između ostalog, ističu se kreiranje poslovnog ambijenta, poticanje i rast investicija u okviru mogućnosti koje uveliko kreiraju viši nivoi vlasti.

Osim toga, aktivnosti će se i dalje provoditi u svrhu učinkovitog upravljanja javnim finansijama, uključujući optimalno korištenje finansijskih sredstava, ključne su za postizanje održivog razvoja. Modernizacija i razvoj budžetskih procesa, od planiranja, izvršenja, računovodstvenog sistema i finansijskog izvještavanja dovest će do poboljšanja cjelokupnog sistema upravljanja javnim finansijama uz digitalizaciju budžetskih procesa i povećanje transparentnosti i participativnosti. Usvajanjem Zakona o izmjenama i dopunama Zakona o budžetima u FBiH („Službene novine Federacije BiH”, broj: 25a/22 i 7/25), uspostaviti će se programsko budžetiranje koje unapređuje planiranje u cilju boljeg povezivanja strateških ciljeva i mjera sa srednjoročnim finansijskim planiranjem, budžetom i kapitalnim ulaganjima. Poboljšanje institucionalnog okvira u skladu sa sistemom finansijskog upravljanja i kontrole osigurat će fiskalnu disciplinu i učinkovitije pružanje javnih usluga. Obaveza primjene

programskog budžeta u konačnoj formi za kantone prema spomenutim izmjenama Zakona o budžetima u FBiH iz 2025. godine treba da počne sa donošenjem Budžeta KS za 2028. godinu.

## 1. Strateški ciljevi ekonomske i fiskalne politike Federacije BiH

Strategijom razvoja FBiH 2021. – 2027. godine predočeni su razvojni ciljevi FBiH, te prioriteti za svaki postavljeni cilj. Razvojni ciljevi, kao dugorični strateški ciljevi predstavljaju primarne ciljeve FBiH, a definisana su četiri razvojna cilja:

- a) ubrzan ekonomski razvoj,
- b) prosperitetan i inkluzivan društveni razvoj,
- c) resursno efikasan i održiv razvoj,
- d) transparentan, efikasan i održiv javni sektor.

Uz strateške ciljeve FBiH neophodno je napomenuti i akcelaratore koji donose najveći razvojni efekat FBiH, te doprinose rastu produktivnosti i socioekonomskom razvoju. Akceleratori ubrzanog razvoja FBiH su: inovacije i digitalizacija, otvaranje i razvoj preduzeća te finansijski sistem i javne finansije. Realizacija ovih ciljeva u neposrednoj je vezi sa Strategijom reforme upravljanja javnim finansijama FBiH<sup>2</sup>, te drugim sektorskim strategijama koje podupiru implementaciju postavljenih ciljeva.

Pristupanje Europskoj uniji je strateški cilj Bosne i Hercegovine i opći interes svih njenih građana. Integrisanje Bosne i Hercegovine u Europsku uniju otvara mogućnosti ubrzanog ekonomskog razvoja, jačanja vladavine prava i unapređenja životnog standarda. Odluka o otvaranju pregovora o pristupanju Bosne i Hercegovine Europskoj uniji i izrada pregovaračkog okvira označava početak najzahtjevnije faze procesa pristupanja, koja zahtijeva sveukupnu transformaciju društvenog i ekonomskog života jedne zemlje.<sup>3</sup>

Budući da je BiH ostvarila napredak u procesu pristupanja EU, te da stjecanje kandidatskog statusa zahtijeva pojačani angažman na ispunjavanju pristupnih uvjeta u nastavku će fokus biti usmjeren na ciljeve postavljene u tu svrhu.

Vlada FBiH je krajem 2023. godine donijela i Strategiju zapošljavanja u FBiH 2023. – 2030. godine i ista je harmonizirana sa Strategijom razvoja FBiH 2021. - 2027. godine. Strategijom zapošljavanja data je detaljna dijagnostika tržišta rada gdje su niske stope zaposlenosti, kao i visoke stope nezaposlenosti identificirane kao glavni ekonomski i društveni izazovi u zemlji. Opći cilj Strategije zapošljavanja u FBiH 2023. – 2030. godine je promovirati mogućnost dostojanstvenog rada, a vizija ovog cilja je inkluzivno tržište koje svima daje priliku da realiziraju svoj potencijal i povećaju životni standard. U Strategiji zapošljavanja u FBiH 2023. – 2030. godine fokus je na razvijanju sustava za praćenje i predviđanje potreba za vještinama na tržištu rada, kako bi se olakšalo usklađivanje sistema obrazovanja sa potrebama na tržištu rada.

Kako je implementacija strukturnih reformi glavni preduvjet za pristupanje EU, stoga su i ciljevi ekonomske i fiskalne politike FBiH definisani u svrhu implementacije strukturnih reformi neophodnih za pristupanje EU. Strukturne reforme su osmišljene kako bi se ojačala privreda i doprinijelo uravnoteženom ostvarivanju potencijalnog rasta, a sama činjenica da se

<sup>2</sup> Vlada FBiH donijela je Odluku o izradi Strategije upravljanja javnim finansijama Federacije BiH 2026 - 2030. godina na 47. sjednici Vlade FBiH; 13.02.2025. godine.

<sup>3</sup> Preuzeto sa Smjernice ekonomske i fiskalne politike FBiH 2026.-2028. str. 4

njima mijenja ustroj privrede, tj. institucijski i regulatorni okvir poslovanja preduzeća otkriva izazove koji se postavljaju u narednom periodu.

## **1.1. Strategija razvoja Kantona Sarajevo 2021.-2027. godine**

Strategija razvoja KS 2021.-2027. godine je strateški dokument koji usmjerava razvoj, utvrđuje prioritete u razvoju i predstavlja putokaz za sveukupan razvoj KS, uzimajući u obzir sve njegove dimenzije: ekonomsku, društvenu, okolišnu i prostornu.

Strategijom razvoja utvrđuju se ciljevi i prioriteti razvoja KS, način njihova ostvarivanja, finansijski i institucionalni okvir za implementaciju, monitoring, evaluacija i izvještavanje. Strateško planiranje razvoja nalažu evropske prakse i dinamike strateškog planiranja, a zahvatanje sredstava iz predpristupnih fondova EU nalaže obaveznost izrade strateških razvojnih dokumenata.

Obaveznost izrade strategije nalažu i nova zakonska rješenja u oblasti razvojnog planiranja u FBiH, odnosno Zakon o strateškom planiranju i upravljanju razvojem u FBiH i Uredba o izradi strateških dokumenata u FBiH. Strategija razvoja KS je osnovni dokument za izradu sektorskih strategija, DOB-a, Budžeta i PJI KS, Trogodišnjeg plana rada kantonalnih ministarstava i godišnjeg programa rada Vlade KS.

## **2. Osnovni makroekonomski pokazatelji**

Jedan od osnovnih preduslova održivog ekonomskog rasta i povećanja zaposlenosti je makroekonomska stabilnost koja se ostvaruje efikasnim upravljanjem javnim finansijama kroz daljnje unapređenje procesa upravljanja državnim budžetom, fiskalnom konsolidacijom i efikasnim upravljanjem javnim dugom, jačanjem sistema unutrašnjih finansijskih kontrola i unutašnje revizije te razvojem makroekonomske statistike.

Za ovakva nastojanja Ministarstva finansija KS moraju imati podršku svih budžetskih korisnika Budžeta KS i drugih koji koriste sredstva budžeta KS, a bit će iskazana kroz Smjericke ekonomske i fiskalne politike za period 2027.-2029. godinu i DOB KS za period 2027.-2029. godina.

Prema najnovijim projekcijama Centralne banke Bosne i Hercegovine iz proljeća 2026. godine, očekuje se umjeren ekonomski rast uz pojačane inflatorne pritiske, pri čemu je projekcija inflacije za 2026. godinu revidirana naviše.

Martovski krug ankete CBBiH ukazuje na blago povećanje inflacijskih očekivanja. U 2027. godini očekuje se stabilizacija i pad inflacije na 2,70%. Najnoviji rezultati ankete CBBiH ukazuju na blagu korekciju inflacijskih očekivanja za naredne dvije godine.

Prema podacima iz marta 2026. godine, projekcija inflacije za 2026. godinu iznosi 3,40%, što je porast od 0,20 procentnih poena u poređenju sa decembarskom prognozom. Iako je zabilježen blagi rast za 2026. godinu, srednjoročne prognoze predviđaju postepeno smirivanje tržišta. Za 2027. godinu očekuje se stabilizacija ekonomskog okruženja, uz projekciju inflacije od 2,70%. Ovakav trend ukazuje na pretpostavku da će vanjski pritisci koji su do sada diktirali rast cijena početi slabiti. Analiza CBBiH pokazuje da su trenutna kretanja rezultat kombinacije globalnih i domaćih faktora.



Poremećaji u lancima snabdijevanja, rast cijena energenata i eskalacija geopolitičkih tenzija, naročito sukob između SAD-a i Irana, imali su presudan uticaj na globalni rast cijena. S obzirom na to da je Bosna i Hercegovina mala i otvorena ekonomija, inflacijski pritisci su u najvećoj mjeri uvezeni sa međunarodnih tržišta hrane i energije. Na unutrašnjem planu, dinamiku rasta cijena dodatno su oblikovali nivo potrošnje i specifična struktura domaćeg tržišta. Iz CBBiH napominju da će brzina stabilizacije inflacije zavisiti prvenstveno od smirivanja neizvjesnosti na globalnom nivou i kretanja cijena osnovnih sirovina. Kontinuirano praćenje ovih parametara ostaje ključno za predviđanje budućih rizika i donošenje adekvatnih ekonomskih odluka.<sup>4</sup>

Na osnovu podataka Direkcije za ekonomsko planiranje iz marta 2026. godine u nastavku slijedi tabelarni prikaz osnovnih makroekonomskih pokazatelja za period 2024. – 2029. godine.

Tabela 1: Osnovni makroekonomski pokazatelji za period 2024. – 2029. godine

Makroekonomski pokazatelji za period 2024-2029

Indikator	Zvanični podaci		Projekcije			
	2024	2025	2026	2027	2028	2029
Nominalni BDP u mil KM	55.091	59.440	62.895	66.115	69.602	73.486
Nominalni rast u %	6	7,9	5,8	5,1	5,3	5,6
BDP deflator (prethodna godina = 100)	103,4	105,7	103,7	102,5	102,2	102,1
Realni BDP u mil KM (prethodna godina = 100)	53.300	56.247	60.651	64.521	68.101	71.987
Realni rast u %	2,6	2,1	2	2,6	3	3,4
Inflacija mjerena indeksom potrošačkih cijena u %	1,7	4	4,1	2,2	2,1	2
Potrošnja u mil KM	47.560	50.700	53.459	56.068	58.546	61.292
Realni rast u %	4,1	2,2	1,6	2,1	2	2,3
Vladina potrošnja u mil KM	10.524	11.471	11.896	12.729	13.518	14.329
Realni rast u %	2,8	2,8	2,2	1,9	2,1	1,9
Privatna potrošnja u mil KM	37.036	39.229	41.563	43.340	45.028	46.963
Realni rast u %	4,4	2	1,4	2,1	2	2,4
Investicije (bruto) u stalna sredstva u mil KM	13.097	14.194	14.962	16.024	17.154	18.395
Realni rast u %	10,2	5,2	3,3	5,4	5,5	5,7
Vladine investicije u mil KM	1.831	2.106	2.306	2.520	2.772	3.049
Realni rast u %	16,9	11,7	7,2	7,4	7,7	7,7
Privatne investicije u mil KM	11.266	12.088	12.656	13.504	14.382	15.346
Realni rast u %	9,2	4,2	2,6	5	5,1	5,3
Uvoz u mil KM	29.057	30.602	31.878	33.548	35.429	37.416
Nominalni rast u %	4,5	5,3	4,2	5,2	5,6	5,6
Realni rast u %	4,7	5,2	2,6	3,5	4,1	3,1
Izvoz u mil KM	21.879	23.133	24.033	25.177	26.640	28.188
Nominalni rast u %	-0,2	5,7	3,9	4,8	5,8	5,8
Realni rast u %	-1,6	2,6	1,9	3,2	4,2	3,2
Nacionalna bruto štednja u % BDP-a	23,1	23,9	24,2	24,3	24,7	25,3
Bilans tekućeg računa u mil KM	-1.860	-1.994	-2.088	-2.371	-2.631	-2.866
Rast u %	74,4	7,2	4,7	13,6	11	8,9
Bilans tekućeg računa u % BDP-a	-3,4	-3,4	-3,3	-3,6	-3,8	-3,9

IZVOR: DEP - mart 2026. godine

<sup>4</sup> Preuzeto sa <https://www.akta.ba/kapital/izvjestaji/203317/centralna-banka-bih-ocekivana-inflacija-za-2026-godinu-porasila-na-340-posto> (pristupljeno 11.05.2026.)



Iz tabele je vidljivo da se 2027. godine očekuje rast nominalnog bruto domaćeg proizvoda za 5,1%, te rast realnog bruto domaćeg proizvoda za 2,6%. Također se očekuje rast potrošnje za 2,1%. Dalje, u skladu sa projekcijama 2027. godine uvoz će zabilježiti rast od 5,2% nominalno u odnosu na prethodnu godinu, dok će izvoz rasti, tačnije 4,8% nominalno.

## 2.1. Osnovni pokazatelji u proteklom periodu za Kanton Sarajevo

Informacije o privrednim kretanjima u KS preuzeti su sa web stranice, Zavoda za informatiku i statistiku Kantona Sarajevo<sup>5</sup> jer Privredna komora Kantona Sarajevo nema objavljene podatke na svojoj web stranici za 2025. godinu. ZISKS radi mjesečnu i godišnju publikaciju „Statistički bilten“ KS, sa namjerom da upozna nadležne organe i institucije KS, kao i druge korisnike sa osnovnim statističkim podacima i pokazateljima iz oblasti ekonomskih i drugih kretanja na području KS.

### 2.1.1. Industrija

Fizički obim industrijske proizvodnje u KS u periodu I-XII 2025. godine veći je od obima proizvodnje iz istog perioda 2024. godine za 1%. Od 28 grana prerađivačke industrije u KS, u periodu I-XII 2025. godine, osamnaest (18) grana zabilježilo je rast proizvodnje, dok je preostalih deset (10) grana ostvarilo pad proizvodnje. Rast proizvodnje ostvarile su sljedeće grane prerađivačke industrije:

Tabela 2: Rast industrijske proizvodnje

Rast industrijske proizvodnje	Indeks I-XII 2025/ I-XII 2024
Proizvodnja osnovnih farmaceutskih proizvoda i farmaceutskih preparata	104,1
Proizvodnja baznih metala	102,3
Proizvodnja gotovih metalnih proizvoda, osim mašina i opreme	100,8
Kapitalni proizvodi	106,6
Proizvodnja prehrambenih proizvoda	103,1
Proizvodnja računara te elektroničkih i optičkih proizvoda	125,0
Proizvodnja hemikalija i hemijskih proizvoda	107,3
Vađenje ostalih ruda i kamena	101,5
Proizvodnja koksa i rafiniranih naftnih proizvoda	135,2
Proizvodnja odjeće	122,7
Netrajni proizvodi za široku potrošnju	102,5
Ostala prerađivačka industrija	112,8
Energija	104,5
Proizvodnja i snabdijevanje električnom energijom i plinom (osim 35,3)	104,5
Proizvodnja ostalih nemetalnih mineralnih proizvoda	108,1
Popravak i instaliranje mašina i opreme	105,2
Proizvodnja pića	100,1
Proizvodnja mašina i uređaja, d.n.	109,6

Izvor: Zavod za informatiku i statistiku Kantona Sarajevo<sup>6</sup>

<sup>5</sup><https://zis.ks.gov.ba/statistika/bilteni> (pristupljeno 12.05.2026. godine)

<sup>6</sup> Indeks industrijske proizvodnje, Statistički izvještaj za Kanton Sarajevo, decembar, 2025. godina



Na drugoj strani, pad proizvodnje zabilježen je kod slijedećih grana prerađivačke industrije:

Tabela 3: Pad industrijske proizvodnje

<b>Pad industrijske proizvodnje</b>	<b>Indeks I-XII 2025/ I-XII 2024</b>
Proizvodnja električne opreme	89,0
Prerada drva i proizvoda od drva i pluta, osim namještaja; proizvodnja predmeta od slame i pletarskih materijala	98,3
Proizvodnja papira i proizvoda od papira	59,0
Proizvodnja proizvoda od gume i plastičnih masa	82,8
Intermedijarni proizvodi	92,6
Proizvodnja motornih vozila, prikolica i poluprikolica	98,5
Štampanje i umnožavanje snimljenih zapisa	92,4
Trajni proizvodi za široku potrošnju	83,8
Proizvodnja namještaja	83,8
Proizvodnja kože i srodnih proizvoda	22,4

Izvor: Zavod za informatiku i statistiku Kantona Sarajevo<sup>7</sup>

### 2.1.2. Šumarstvo

U periodu januar–decembar 2025. godine u KS proizvedeno je 125 hiljada m<sup>3</sup> šumskih sortimenata, što je više za 10 hiljada u poređenju sa istim periodom 2024. godine. Istovremeno je krajem decembra 2025. godine prodato 129 hiljada m<sup>3</sup> šumskih sortimenata, što je više za 17 hiljada u odnosu na isti period 2024. godine.<sup>8</sup>

### 2.1.3. Turizam

U periodu I-XII 2025. godine, KS je posjetilo 0,8% više turista u odnosu na uporedni period 2024. godine. Domaćih turista je za 5,1% više nego u 2024. godini a stranih više za 0,1%. Broj ostvarenih noćenja u KS u periodu I-XII 2025. godine je za 1,4% više u odnosu na isti period 2024. godine. Strani turisti su ostvarili 0,5% više noćenja, a domaći 7,8% više u odnosu na 2024. godinu<sup>9</sup>. Na osnovu navedenih podataka vidljivo je da je u protekloj godini ostvaren izuzetno pozitivan trend dolaska turista i ostvarenih noćenja.

### 2.1.4. Zaposlenost i nezaposlenost

Prema podacima dostupnim krajem 2025. godine, broj zaposlenih u KS vratio se na nivo iz 2019. godine. To znači da je broj zaposlenih osoba u KS smanjen u odnosu na period rasta, te je prema izvještajima iz novembra 2025. iznosio oko 152.394, što je nivo iz 2019. godine<sup>10</sup>. Ukupan broj nezaposlenih lica na kraju novembra 2025. godine na području KS, prema podacima Zavoda za informatiku i statistiku KS, iznosio je 47.536. Najveći broj nezaposlenih lica prema kadrovskoj strukturi kod muškaraca zabilježen je kod radnika sa VKV, a kod žena također sa NSS.

<sup>7</sup> Indeks industrijske proizvodnje, Statistički izvještaj za Kanton Sarajevo, decembar, 2025. godina


<sup>8</sup> Šumarstvo, Statistički izvještaj za Kanton Sarajevo, decembar, 2025. (Podaci ZiSKS)

<sup>9</sup> Turizam, Statistički izvještaj za Kanton Sarajevo, decembar, 2025. (Podaci ZiSKS)

<sup>10</sup> <https://www.klix.ba/biznis/privreda/sbih-u-sarajevu-je-broj-zaposlenih-vcacen-na-2019-godinu-u-fbih-prisutan-trend-rasta/251126060> (preuzeto 14.05.2026.)

U nastavku slijedi grafikon u kojoj je prikazan ukupan broj nezaposlenih po stručnoj spremi u KS.

Grafikon 1: Ukupan broj nezaposlenih po stručnoj spremi (Novembar 2025. godine)



Izvor: Zavod za informatiku i statistiku Kantona Sarajevo<sup>11</sup>

Na osnovu naprijed navedenog grafika učešće žena u nezaposlenosti niže stručne spreme (NSS) je značajno izraženo u odnosu na muškarce. Prema Zakonu o ravnopravnosti spolova u Bosni i Hercegovini, KS će se zalagati za ravnopravan tretman svih osoba muškog i ženskog spola što podrazumijeva osiguranje odsustva diskriminacije po osnovu spola. Sindikati i udruženja poslodavaca imat će posebnu ulogu u osiguranju jednake zaštite prava na rad i uslova pri zapošljavanju i osigurati a da ne postoji diskriminacija na osnovu spola među članovima, bilo da je direktna ili indirektna.

### 2.1.5. Plaće

Prosječna neto plaća u KS u decembru 2025. godine iznosila je 2.002 KM, što je za 2,7% više u odnosu na 2024. godine<sup>12</sup>. Istovremeno, na nivou FBiH, prosječna mjesečna isplaćena neto plaća po zaposlenom za 2025. godinu u FBiH iznosila je 1.594 KM i u odnosu na prethodnu 2024. godinu prosječna mjesečna isplaćena neto plaća nominalno je viša za 16,1%, a realno viša za 12,0%.

Prosječna mjesečna isplaćena neto plaća po zaposlenom za decembar 2025. godine u FBiH iznosila je 1.664 KM i nominalno je viša za 2,6%, a realno viša za 2,5%, u odnosu na prethodni

<sup>11</sup> Zaposlene i nezaposlene osobe, Statistički izvještaj za Kanton Sarajevo, decembar, 2024.

<sup>12</sup> Prosječne plaće, Statistički izvještaj za Kanton Sarajevo, decembar, 2025. (Podaci ZiSKS)

mjesec. U odnosu na isti mjesec prethodne godine, prosječna isplaćena neto plata po zaposlenom za decembar 2025. nominalno je viša za 16,5%, a realno viša za 12,2%.<sup>13</sup>

### 2.1.6. Stanovništvo

U posljednjih deset godina smanjuje se ukupno stanovništvo i radno sposobno stanovništvo u KS. Rast stanovništva postoji u općini Centar i Trnovo dok se stanovništvo smanjuje u ostalim općinama na području KS. Sredinom 2024. godine na području KS živi 421.531 stanovnika, a od tog broja na području Grada Sarajeva živi 271.484 stanovnika. Najveća koncentracija stanovnika je na području općine Novi Grad sa 29,3% učešća u ukupnom stanovništvu KS, a zatim slijedi općina Ilidža sa 17,3%, Novo Sarajevo sa 14,8%, Centar sa 12,3%, itd. Najmanje stanovnika živi u općini Trnovo 1.772 ili tek 0,4% od ukupnog stanovništva KS.

Broj stanovnika na području KS bilježi povećanje za 1,9% u 2024. u odnosu na 2013. godinu, a na području Grada Sarajeva je zabilježeno smanjenje stanovništva za 1,5%. Smanjenje stanovništva na području KS zabilježeno je u općinama Stari Grad, Centar i Novo Sarajevo. Najveće smanjenje u 2024. godini je zabilježeno u općini Stari Grad 9,3%. Do povećanja je došlo u općinama Trnovo 18,0%, Vogošća 13,1%, Ilidža 9,1%, Ilijaš 7,8%, Novi Grad 4,2% i Hadžići 2,7%. U odnosu na 2023. godinu, broj stanovnika na području KS je zabilježio povećanje i to za 0,3%<sup>14</sup>.

### 2.1.7. Cijene

Prema podacima ZISKS, potrošačke cijene u decembru/prosincu 2025. godine zabilježile su blagi porast od 0,1% u odnosu na prethodni mjesec. Cijene su u prosjeku više u odnosu na 2024. godinu, uz rast osnovnih životnih namirnica i usluga.<sup>15</sup>

U tabeli koja slijedi prikazani su prosječne potrošačke cijene za KS u 2025. godini.

<sup>13</sup> Preuzeto sa: <https://bljesak.info/gospodarstvo/flash/u-fbih-prosjecna-neto-placa-u-2025-godini-iznosila-1594-km/550809> (Pristupljeno: 14.05.2026.)

<sup>14</sup> Preuzeto sa <https://zpr.ks.gov.ba/sites/zpr.ks.gov.ba/files/2026-01/demografska-analiza-kantona-sarajevo-po-opcinama-u-periodu-2013-2024-godine.pdf> (pristupljeno 14.05.2026.)

<sup>15</sup> Preuzeto sa <https://fzs.ba/index.php/2025/01/20/indeksi-potrosackih-cijena-u-decembru-prosincu-2024-godine/> (Pristupljeno: 12.05.2025.)



Tabela 4: Prosječne potrošačke cijene za Kanton Sarajevo u 2025. godini (u KM sa PDV-om)

PROIZVOD	Jed. mj.	Januar	Februar	Mart	April	Maj	Juni	Jul	August	Septembar	Oktobar	Novembar	Decembar
Riža	kg	5,22	5,29	5,21	5,22	5,15	4,52	4,71	4,76	4,76	4,76	4,80	4,8
Pšenično brašno bijelo, svi tipovi	kg	1,41	1,45	1,38	1,35	1,38	1,39	1,41	1,36	1,36	1,39	1,37	1,36
Hljeb polubijeli od pšeničnog brašna svi tipovi	kg	4,45	4,42	4,52	4,52	4,58	4,65	4,65	4,65	4,65	4,65	4,65	4,65
Mlijeko - tetra pakovanje	l	2,31	2,28	2,26	2,21	2,15	2,07	2,06	2,06	2,12	2,09	2,12	2,13
Maslac	kg	31,69	29,59	28,3	30,59	31,41	31,51	32,15	32,15	30,62	30,62	30,41	31,82
Jestivo ulje	l	3,27	3,44	3,43	3,40	3,41	3,40	3,40	3,37	3,39	3,42	3,42	3,45
Šećer	kg	1,84	1,78	1,76	1,76	1,78	1,74	1,72	1,71	1,68	1,66	1,65	1,61
Kuhinjska so	kg	1,52	1,68	1,71	1,73	1,73	1,79	1,79	1,79	1,79	1,79	1,79	1,8
Deterdžent za mašinsko pranje rublja	kg	5,25	5,22	5,22	5,11	5,11	5,13	5,29	5,29	5,29	5,33	5,33	5,2

Izvor: Zavod za informatiku i statistiku Kantona Sarajevo<sup>16</sup>

### 2.1.8. Vanjska trgovina

Ukupan izvoz KS u periodu januar-decembar 2025. godine je dostigao vrijednost od 1.979 miliona KM što je za 9,9% više u odnosu na decembar 2024. godine. Ukupan uvoz KS u periodu januar-decembar 2025. godine 7.780 miliona KM, što je više za 5,5% u odnosu na period januar-decembar 2024. godine.

Na sljedećem grafikonu je prikazana vanjskotrgovinska razmjena po općinama u Kantonu Sarajevo za period januar – decembar 2025. godine.

Tabela 5: Izvoz po mjesecima i općinama u Kantonu Sarajevo (Decembar 2025. godine)

Mjesec	CENTAR	HADŽIĆI	ILIDŽA	ILJAŠ	NOVI GRAD	NOVO SARAJEVO	STARI GRAD	TRNOVO	VOGOŠĆA	UKUPNO
1	27.655.994	13.098.844	26.548.007	26.737.152	27.231.929	10.164.549	804.566	12.104	15.025.527	147.278.672
2	23.795.824	14.116.481	22.612.594	29.554.385	27.748.171	14.492.447	1.070.874	49.226	47.947.840	181.387.843
3	28.336.377	14.523.281	26.480.358	31.733.420	27.544.465	4.569.516	543.378	11.904	36.494.371	170.237.069
4	40.028.092	15.737.431	28.857.790	30.363.469	30.753.729	4.753.411	998.916	37.273	34.734.967	186.265.077
5	28.678.786	15.959.787	28.067.595	25.193.476	29.301.119	4.361.215	1.177.814	-	24.571.702	157.311.493
6	27.137.032	17.824.625	31.096.952	23.073.822	29.126.983	8.738.923	807.453	11.438	15.872.720	153.689.948
7	36.553.846	14.245.406	33.310.641	25.319.749	25.929.967	7.152.844	1.047.060	21.895	11.452.115	155.033.523
8	28.714.256	12.205.457	29.431.719	19.544.920	27.555.251	6.100.628	741.918	-	12.058.341	136.352.491
9	28.960.298	21.029.177	29.382.849	26.984.738	30.902.389	6.018.511	633.888	-	12.730.520	156.642.369
10	43.717.048	14.100.989	35.334.829	32.744.000	29.908.718	5.923.142	1.965.589	-	18.297.328	181.991.644
11	40.466.025	17.751.072	36.058.459	27.931.009	29.213.871	5.875.451	649.555	11.328	14.108.817	172.065.586
12	49.392.039	20.328.309	28.103.018	27.968.835	24.759.100	8.520.704	476.104	16.377	21.235.779	180.800.266
	403.435.617	190.920.859	355.284.810	327.148.976	339.975.693	86.671.340	10.917.115	171.546	264.530.027	1.979.055.982

Izvor: Zavod za informatiku i statistiku Kantona Sarajevo<sup>17</sup>

Analizirajući vanjskotrgovinsku razmjenu po općinama u 2025. godini iz tabele iznad je vidljivo da najviše izvoze općine Centar, Ilidža i Ilijaš.

<sup>16</sup> Prosječne potrošačke cijene, Statistički izvještaj za KS, decembar, 2025.

<sup>17</sup> Vanjska trgovina, Statistički izvještaj za Kanton Sarajevo, decembar, 2025.

U periodu januar – decembar 2025. godine po uvozu prednjače općine Ilidža, Novo Sarajevo i Centar.

Tabela 6: Uvoz po mjesecima i općinama u Kantonu Sarajevo (Decembar 2025. godine)

Mjesec	CENTAR	HADŽIĆI	ILIDŽA	ILJAŠ	NOVI GRAD	NOVO SARAJEVO	STARI GRAD	TRNOVO	VOGOŠĆA	UKUPNO
1	123.482.693	25.932.260	133.833.041	15.660.257	90.966.354	171.960.123	6.087.770	165.849	45.214.331	<b>613.302.678</b>
2	104.295.472	30.679.038	153.983.040	16.698.292	125.022.835	167.936.522	9.008.116	-	40.652.524	<b>648.275.841</b>
3	95.952.681	30.414.969	166.855.302	16.989.544	141.750.738	173.438.212	5.763.048	-	36.876.261	<b>668.040.755</b>
4	75.179.458	33.318.903	179.060.544	19.598.040	128.795.847	175.826.538	9.585.105	71.383	38.893.036	<b>660.328.854</b>
5	79.391.782	32.239.646	173.369.695	16.037.438	129.316.126	158.241.777	6.327.975	126.701	45.966.108	<b>641.017.248</b>
6	82.443.815	30.136.242	177.073.424	18.220.646	127.795.229	178.421.781	7.683.868	64.099	31.568.056	<b>653.407.159</b>
7	90.591.939	33.669.835	192.710.853	23.647.528	130.109.262	187.845.408	5.817.766	9.779	38.074.776	<b>702.477.146</b>
8	87.064.768	27.906.734	170.522.075	14.618.235	112.493.948	175.174.122	4.122.487	113.804	34.992.131	<b>627.008.303</b>
9	99.044.376	31.444.486	175.578.968	16.672.378	122.660.668	180.658.101	8.156.366	-	36.644.607	<b>670.859.949</b>
10	105.667.587	36.399.032	192.891.759	20.536.730	139.285.005	151.075.746	8.105.731	7.823	31.449.145	<b>685.418.558</b>
11	75.721.072	25.414.862	168.710.719	17.341.522	112.571.880	139.814.582	7.016.580	-	27.331.451	<b>573.922.668</b>
12	93.281.600	28.343.679	175.350.903	18.995.242	114.211.921	163.403.892	9.218.679	-	33.914.513	<b>636.720.428</b>
	<b>1.112.117.243</b>	<b>365.899.685</b>	<b>2.059.940.322</b>	<b>215.015.852</b>	<b>1.474.979.813</b>	<b>2.023.796.804</b>	<b>86.893.490</b>	<b>559.439</b>	<b>441.576.940</b>	<b>7.780.779.586</b>

Izvor: Zavod za informatiku i statistiku Kantona Sarajevo<sup>18</sup>

Iz prezentiranih podataka o privrednim kretanjima u KS za period januar – decembar 2025. godine vidimo da je u industrijskoj proizvodnji prisutan rast proizvodnje, koji je najvećim dijelom uslovljen trendovima u prerađivačkoj industriji koja je najveća sastavnica ukupne industrijske proizvodnje.

U narednom periodu fokus vlasti će biti na prepoznavanju značajnijeg stimulisanja razvoja realnog sektora sa akcentom na razvoj industrijske proizvodnje, koja ima potencijal zapošljavanja najvećeg broja radnika.

Načelnici općina u KS treba da rade na izgradnji lokalnog poslovnog okruženja, te na povećanju broja firmi koje su konkurentno sposobne da stvaraju novu vrijednost, zapošljavaju, investiraju, izvoze i inoviraju. Potrebno je snažno investirati u djelatnosti visoke dodane vrijednosti te smatramo da strateški pravci trebaju biti industrija, turizam i informacijsko-komunikacijske tehnologije.

### 3. Osnovni pokazatelji ekonomske i fiskalne politike<sup>19</sup>

Federalno ministarstvo finansija je dana 08.05.2026. godine sačinilo revidirane projekcije javnih prihoda za 2026. godinu i projekcija za period 2027.-2029. godina (broj: 05-12-5-3976/26-1 od 08.05.2026. godine).

Kako je navedeno od strane DEP-a, tokom 2025. godine u Bosni i Hercegovini nastavljen je trend ekonomskog rasta, koji prema preliminarnim podacima iznosi 2,1%. Glavni oslonac rastu predstavljala je domaća potražnja kroz povećanje prije svega privatne potrošnje. Rast privatne potrošnje generisan je ostvarenim povećanjem plaća i penzija, kao i povećanim prilivima doznaka građana iz inostranstva. Uzimajući u obzir zabilježen viši nivo inflacije (4%) u odnosu na prethodnu godinu, tokom 2025. godine došlo je i do povećanja javne potrošnje na svim nivoima vlasti u cilju zaštite životnog standarda građana u okviru borbe protiv inflacije. Pored potrošnje, u Bosni i Hercegovini tokom 2025. godine nastavljen je i trend rasta ukupnih

<sup>18</sup> Vanjska trgovina, Statistički izvještaj za Kanton Sarajevo, decembar, 2025.

<sup>19</sup> Federalno ministarstvo finansija: Revidirane projekcije javnih prihoda za 2026. godinu i projekcija za period 2027.-2029. godina, broj: 05-12-5-3976/26-1 od 08.05.2026. godine, zaprimljene dana 22.06.2026. godine



investicija, sa većim doprinosom privatnih investicija ekonomskom rastu. S druge strane, doprinos trgovinskog bilansa bio je blago negativan.

Nadalje, trenutni podaci ukazuju na nastavak trenda rasta ekonomskih aktivnosti i u tekućoj 2026. godini, ali uslijed značajnih geopolitičkih nestabilnosti, koje bi mogle imati negativne ekonomske posljedice kako u svijetu tako i u zemljama EU prognoza ekonomskog rasta u navedenoj godini iznosi 2% i snižena je za 0,6 p.p. u odnosu na prognozu iz projekcionog ciklusa jesen 2025. godinu. Očekuje se da bi domaća tražnja kroz povećanje potrošnje i djelimično investicija trebala predstavljati glavno uporište projektovanog ekonomskog rasta, uz nešto pozitivniji doprinos vanjskog sektora u odnosu na prethodnu godinu. Uzimajući u obzir da će se razvoj događaja u međunarodnom okruženju, prvenstveno stavljajući akcent na energetska krizu, u značajnoj mjeri preliti i na ekonomske tokove u domaćem okruženju, najnovija zvanična prognoza inflacije mjerene indeksom potrošačkih cijena za 2026. godinu iznosi 4,1% i veća je za 1,3 p.p. u odnosu na prognozu iz projekcionog ciklusa jesen 2025. godinu.

Prognoze DEP-a vezane za ključne agregate tržišta rada u 2026. godini ukazuju da će doći do stagnacije broja zaposlenih u odnosu na prethodnu godinu, dok bi nominalni rast prosječne neto plaće trebao iznositi 9%. Prognoza rasta plaće uzela je u obzir očekivani rast plaća i u privatnom i u javnom sektoru, vezan za izvršeno redovno godišnje usklađivanje minimalne plaće, usklađivanja vezana uz inflatorna kretanja, primjenu kolektivnih ugovora za pojedine grane, zadržavanje deficitarne radne snage i si. Bitno je istaći visok nivo rizika po prognoze tržišta rada, obzirom da bi potencijalni sporiji ekonomski rast od pretpostavljenog, praćen manjim obimom investicija mogao dodatno smanjiti broj zaposlenih lica.

Očekivana prosječna godišnja stopa ekonomskog rasta u Bosni i Hercegovini u periodu 2027. - 2029. godina iznosi 3% (2027: 2,6%, 2028: 3,0% i 2029: 3,4%), a prepoznati glavni nosioci rasta ostaju isti kao i u prethodnim godinama (finalna potrošnja i investicije), uz nastavak poboljšanja vanjskotrgovinske razmjene. Procjenjuje se da će u 2027. godini i naredne dvije nivo inflacije biti umjeren bez značajnih godišnjih šokova (2027: 2,1%, 2028: 2% i 2029: 2,3%). Prema prognozama tržišta rada, u periodu 2027. - 2029. godina očekivani rast broja zaposlenih trebao bi se kretati po stopi od 1% do 1,5% godišnje, dok bi očekivani godišnji nominalni rast plaće trebao iznositi od 5,7% do 6%.

Kada je riječ o rizicima po ostvarenje prognoziranog ekonomskog rasta, kako za tekuću godinu, tako i za posmatrani srednjoročni period, prisutna je veća izraženost vanjskih rizika: visoka neizvjesnost u vanjskom okruženju, slabljenje globalnog ekonomskog rasta, uz jačanje inflatornih pritisaka, koji se kroz nižu potrošnju, investicije i vanjskotrgovinsku razmjenu negativno utjecali na domaći ekonomski rast. Pored eksternih faktora, važnu odrednicu ekonomskog rasta u posmatranom srednjoročnom periodu imati će i interni institucionalni kapacitet za provedbu ključnih strukturalnih reformi.

### 3.1. Rizici ostvarenja projekcija i pretpostavki

Srednjoročne projekcije javnih prihoda u FBiH prate makroekonomska očekivanja u kretanju onih agregata sa kojim su u značajnoj korelaciji. Obzirom na visok nivo nepredvidivosti krajnjeg ishoda ekonomskih tokova, moguće su i značajnije promjene u realizaciji projekcija javnih prihoda. Neizvjesnost u vanjskom okruženju prepoznata je kao izraženiji rizik po

ostvarenje prognoziranog srednjoročnog ekonomskog rasta. Od domaćih rizika značajan potencijalni negativni utjecaj mogao bi imati spor tempo provođenja ekonomskih reformi.

Rizici po projekcije rasta u srednjoročnom periodu 2027.-2029. godine vrlo su naglašeni i pod utjecajem su kako eksternih (trgovinski ratovi, oružani sukobi i sl.) tako i internih faktora. Jedan od najznačajnijih izvora eksternih rizika predstavljaju rizici vezani uz trgovinsku politiku SAD-a, pri čemu bi uvođenje carina zemljama Europske unije dodatno pojačalo negativne učinke povećane trgovinske neizvjesnosti. Nestabilnost kod naših glavnih trgovinskih partnera nesumnjivo bi imalo negativan odraz na našu industriju, zaposlenost i rast. Geopolitičke napetosti i povećanje vojnih rashoda u zemljama članicama EU moglo bi utjecati na rast cijena energenata i drugih sirovina ovog područja, a što bi opet moglo uzrokovati višu inflaciju koja bi se prenijela i na naše područje.

Pored navedenog, na drugačiji ishod u naplati javnih prihoda mogu u značajnoj mjeri utjecati: izmjene ostalih poreznih politika, značajna odstupanja u kretanju koeficijenta raspodjele prihoda od indirektnih poreza između entiteta u odnosu na trenutno procijenjeni, promjene u nivou planirane otplate vanjskog duga, promjene u izdvajanju prihoda od indirektnih poreza za Institucije BiH, rad poreznih administracija, te razvoj drugih događaja poput novih elementarnih nepogoda i sl.

Kada su interni rizici u pitanju neophodno je istaći i rizike na tržištu rada koji se odnose na trend smanjenja radne snage koji je evidentan u posljednjih nekoliko godina. Eventualni nastavak migracije stanovništva iz FBiH (mladi, obrazovani i kvalificiran kadar), moglo bi utjecati na smanjenje produktivnosti i sporiji rast BDP – a od projiciranog.

Rizici se velikim dijelom odnose na dalju eskalaciju na Bliskom istoku i u Ukrajini, kao i poremećaje u prometu na ključnim trgovinskim rutama u Crvenom moru, koji bi mogli podstaći novi rast cijena energenata i drugih sirovina. Frikcije na strani ponude radne snage, efekat uvođenja naknada od strane EU na proizvodnju korištenjem neobnovljivih izvora energije od 2026. godine, rast cijena električne energije na domaćem tržištu, uz prisutno povećanje cijena nafte i naftnih derivata, mogu dodatno povećati inflatorni pritisak u projekcijskom horizontu. Na osnovu svega ističemo da postoje naglašeni rizici iz međunarodnog okruženja koji se prvenstveno odnose na smanjenje konkurentnosti evropske ekonomije, dugotrajna inflacija i geopolitička nestabilnost vezana za ratove na Bliskom istoku i Ukrajini.

U skladu s navedenim, ukazujemo na potrebu izuzetnog opreza u procesu planiranja budžeta. Svaki neplanirani događaj u nadolazećem srednjoročnom razdoblju može znatno utjecati na pretpostavljene iznose javnih prihoda, vjerovatno će dovesti do hitne revizije projekcija prihoda, uz redovne rokove utvrđene u budžetskom kalendaru.

#### **4. Pretpostavke društvenog i privrednog razvoja za budžetsku i sljedeće dvije godine**

KS na području FBiH se pokazuje kao značajno područje koncentracije ekonomskih potencijala kao i efekata razvijenosti (stepen zaposlenosti, obim vanjsko-trgovinske razmjene). To je najveći obrazovni, zdravstveni i turistički centar u FBiH. U 2024. godini prema indeksu razvijenosti od 2,02 KS je iznad prosjeka razvijenosti FBiH i rangiran je na prvo mjesto u FBiH. Iako je KS teritorijalno jedan od manjih kantona, u njemu živi 421.531 stanovnika, sa



prosječnom gustom naseljenosti od 330,1 st/km<sup>2</sup> što ga čini najgušće naseljenim kantonom u FBiH, odnosno skoro četiri puta iznad prosječne gustine naseljenosti FBiH. KS se u Federaciji BiH pokazuje kao kanton sa najizraženijim demografskim karakteristikama. U tom smislu, KS je jedini kanton u FBiH sa pozitivnom stopom rasta stanovništva od 0,2%.<sup>20</sup>

#### 4.1. Strateški pravci razvoja Kantona Sarajevo

Izdvajanjem perspektivnih konkurentskih prednosti s jedne strane i najkritičnijih problema s druge strane, te na osnovu urađene interne kvantitativne i kvalitativne analize stanja u KS, identificiranih internih snaga i slabosti (vezanih za resurse, organizaciju ili rezultate rada), kao i prilika i prijetnji u užem i širem okruženju KS, općih zaključaka vezanih za ekonomski i društveni razvoj KS, javnu administraciju, infrastrukturu i stanje okoliša, Strategija KS je definisala nekoliko ključnih strateških fokusa sa kojima će se KS morati suočiti u narednim godinama, i to:

1. Funkcioniranje sistema zapošljavanja i konkurentnost privrede
2. Dostupnost, kvalitet i održivost javnih usluga (zdravstvo, obrazovanje, socijalne politike, kultura i sport);
3. Okoliš i javna infrastruktura u funkciji održivog razvoja i podizanja kvaliteta života ljudi;
4. Efikasnost i odgovornost unutar javnog sektora.

Vizija oslikava težnju KS da postane savremena evropska regija, orijentirana na održive aspekte razvoja, gdje se razvoj posmatra kao višedimenzionalan proces ekonomske, društvene, okolišne, prostorne i institucionalne transformacije s ciljem poboljšanja kvaliteta i standarda

**VIZIJA RAZVOJA KANTONA SARAJEVO**  
**„Kanton Sarajevo je evropska, dinamična i kretivna regija, prosperitetna za građane svih generacija, ugodnog življenja i unosnog poslovanja“**

života građana.

Na temelju strateških fokusa i vizije KS definirana su četiri strateška cilja koji osiguravaju sinergijske efekte između ekonomije, okoliša i društva, uz puno uvažavanje interesa lokalne uprave. Oni imaju prepoznatljiva sektorska težišta, ali istovremeno su integralni i povezujući. Strategija razvoja KS definisala je sljedeće strateške ciljeve:

1. Unaprijediti konkurentnost privrede i povećati zaposlenost;
2. Stvoriti uvjete za uključujući društveno-ekonomski rast i smanjenje siromaštva i unaprijediti dostupnost i pouzdanost svih javnih servisa (zdravstvo, obrazovanje, socijalne politike, kultura i sport);
3. Odgovorno upravljati okolišem, prostorom, prirodnim i infrastrukturnim resursima;
4. Unaprijediti efikasnost i odgovornost javnog sektora.

Kako bi se unaprijedila konkurentnost privrede i povećala zaposlenost, potrebno je kreirati okruženje poticajna za poslovanje, jačati konkurentnost i izvoznu orijentaciju poslovnih subjekata s posebnim fokusom na prerađivačku industriju, povećati digitaliziranost ekonomije, unaprijediti sistem zapošljavanja i povećati efikasnost tržišta rada, kao i osigurati dugoročnu

<sup>20</sup> Vlada Kantona Sarajevo, *Smjernice za trogodišnje planiranje rada Kantona Sarajevo za period 2027.-2029. godina*, broj: 02-04-6172-44.1/26 od 26.02.2026. godine

održivost i funkcionalnost javnih preduzeća, te unaprijediti konkurentnost destinacije kroz održivi razvoj turizma i jačati konkurentnost ruralne ekonomije.

Da bi se realizirao 2. strateški cilj, potrebno je podići kvalitet obrazovanja (s posebnim naglaskom na STEM i digitalne vještine) i uskladiti ga sa zahtjevima tržišta rada i potražnjom za radnom snagom, poboljšati kvalitet i dostupnost socijalnih prava i usluga za sve ciljne grupe stanovništva, kao i smanjivati siromaštvo i socijalnu isključenost, s posebnim akcentom na vanredne okolnosti, kao i unaprijediti funkcionalnost i odgovornost zdravstvenog sistema KS, te ambijent za razvoj kulture i sporta.

Za realizaciju trećeg strateškog cilja potrebno je poboljšati kvalitet zraka i zaštitu od buke, održivo koristiti prirodna dobra štiteći biološku i geološku raznolikost, kao i uspostaviti integralni održivi sistem upravljanja otpadom i unaprijediti razvoj saobraćaja i javne komunalne infrastrukture.

Kako bi se ostvario 4. strateški cilj, potrebno je, prije svega, smanjiti korupciju i kriminalitet, povećati sigurnost građana, te osnažiti funkcioniranje pravne države, povećati učinkovitost i odgovornost u oblasti javnih finansija, reformisati javnu upravu, te unaprijediti sistem upravljanja razvojem i pozicionirati KS u široj regiji i Evropi.

Stepen realizacije definiranih strateških ciljeva pratit će se kroz nekoliko ključnih indikatora/pokazatelja utjecaja, na osnovu kojih će se moći ocijeniti stepen promjena u KS u narednom, Strategijom definiranom, planskom periodu.

#### **4.2. Prioriteti, mjere i strateški projekti Vlade Kantona Sarajevo<sup>21</sup>**

Vlada KS je dana 26.02.2026. godine donijela Smjernice za trogodišnje planiranje rada KS za period 2027.-2029. godina. Za uspješnost implementacije Strategije razvoja KS 2021.-2027. doprinijet će i aktivnosti na implementaciji sljedećih 39 strateških projekata kao intervencija od najvećeg značaja za ostvarenje strateških ciljeva planiranih Akcionim planom 2027.-2029.:

1. Aktivacijski programi (paketi podrške) usmjereni na dugoročno nezaposlene obeshrabrene i osobe sa otežanim pristupom tržištu rada (žene, mladi, osobe bez kvalifikacija i/ili radnog iskustva, 55+ osobe, pripadnika demobilizirane boračke populacije, nezaposlene iz domaćinstava u kojima je više od dvije osobe nezaposlene i sl.),
2. Podsticaj i u poljoprivrednoj proizvodnji,
3. Program finansijske podrške za malo i srednje preduzetništvo,
4. Unapređenje pravnog i institucionalnog okvira za realizaciju JPP projekata,
5. Poboljšanje turističko resursne osnove Olimpijskih planina Igmana i Bjelašnice,
6. Uspostava nove organizacione strukture na nivou komunalnog sektora – Holding komunalne privrede u KS,
7. Očuvanje, unapređenje, zaštita i reprodukcija šumskih ekosistema,
8. Zaštita porodica sa djecom (prema Zakonu o socijalnoj zaštiti, zaštiti civilnih žrtava rata i zaštiti porodice sa djecom i podzakonskim aktima iz oblasti zaštite porodice sa djecom),
9. Podrška starijim osobama (Sufinansiranje materijalnih troškova i podrška radu Kantonalne javne ustanove „Gerontološki centar“),

<sup>21</sup> Vlada Kantona Sarajevo, Smjernice za trogodišnje planiranje rada Kantona Sarajevo za period 2027.-2029. godina, broj: 02-04-6172-44.1/26 od 26.02.2026. godine



10. Rekonstrukcija, investiciono održavanje i opremanje škola,
11. Povećanje obuhvata djece predškolskim odgojem i obrazovanjem u KS,
12. Unapređenje održivog sistema razvoja sporta,
13. Opremanje objekata ustanova predškolskog, osnovnog i srednjeg obrazovanja,
14. Studijske posjete: „Od rata do mira I“, „Od rata do mira II“ i „Od rata do mira III“,
15. Promocija kulturnog življenja i dostupnosti kulturnih usluga,
16. Podrška projektima kinematografije,
17. Izgradnja objekta Javne ustanove OŠ Rosulje,
18. Izgradnja objekta Javne ustanove OŠ Pofalići,
19. Izgradnja, rekonstrukcija i opremanje Javnih zdravstvenih ustanova KS,
20. Unapređenje razvoja zdravstvenoga informacionog sistema u KS,
21. Sufinansiranje programa i projekata nauke,
22. Daljinsko grijanje u KS,
23. Izgradnja primarnih gradskih saobraćajnica,
24. Izgradnja infrastrukture za odvojeno prikupljanje otpada koji se može reciklirati,
25. Povećanje energetske efikasnosti u objektima individualnog i kolektivnog stanovanja,
26. Realizacija aktivnosti definisanih planovima upravljanja zaštićenim područjima u funkciji njihove zaštite, održivog korištenja i promocije
27. Održavanje puteva u nadležnosti Direkcije za puteve KS,
28. Ulaganje u infrastrukturu i vozila javnog linijskog prijevoza putnika,
29. Rekonstrukcija dijela ulice Džemala Bijedića od V do VII transferzale,
30. Rehabilitacija dijela regionalnog puta R442a, Hadžići – G. Grkarica - Krupac,
31. Praćenje i prikupljanje podataka iz vodovodne mreže,
32. Izgradnja kotlovnice i rekonstrukcija toplovoda u Vogošći,
33. Zamjena distributivne mreže – toplovoda i vrelovoda,
34. Rekonstrukcija i sanacija vodovodne mreže u KS i sanacija prioritetnih dijelova vodovodnog sistema,
35. Program aktivnosti na sanaciji i izgradnji RCUO „Smiljevići“,
36. Pružanje usluga iz segmenta pogrebne djelatnosti za stanovnike KS,
37. Pružanje usluga iz segmenta zajedničke komunalne potrošnje – održavanje aktivnih separativnih grobalja,
38. Unapređenje i upravljanje i održavanje zelenih površina javnim površinama na području KS,
39. Izgradnja novog objekta za potrebe Ministarstva unutrašnjih poslova KS,
40. V PU PS ILIDŽA - Izgradnja objekta (prva faza),
41. Izgradnja PS Trnovo,
42. Podizanje nivoa sigurnosti saobraćaja,
43. Digitalizacija usluga KS.

## 5. Procjena prihoda budžeta Kantona Sarajevo

Budžet KS je u svom rashodovnom dijelu opterećen cjelokupnim sistemom obrazovanja (od predškolskog do visokog obrazovanja), kao i sistemom unutrašnjih poslova i dobrim dijelom sistemom pravosuđa (Kantonalni sud, Općinski sud, Kantonalno tužilaštvo, Pravobranilaštvo). Kada se govori o fiskalnoj politici KS, potrebno je da viši nivoi vlasti imaju u vidu cjelokupno stanje kako bi mogli poduzeti adekvatne mjere fiskalne politike koje ne bi ugrozile funkcionisanje uspostavljenog sistema. Odluke viših nivoa vlasti direktno i indirektno utiču na



rad i funkcionisanje nižih nivoa vlasti, a oni u okviru svojih nadležnosti pokušavaju pronaći ravnotežu između projiciranih (odobrenih) sredstava i svih potreba društva i privrede.

U skladu sa članom 33. Zakona o budžetima u FBiH, Ministarstvo finansija KS se prilikom procjene prihoda od indirektnih i direktnih poreza za sljedeću budžetsku godinu i naredne dvije godine u izradi ovog dokumenta oslanja na dostavljene projekcije od strane Federalnog ministarstva finansija (broj: 05-12-5-3976/26-1 od 08.05.2026. godine), prema osnovnom scenariju preuzetom od strane Odjeljenja za makroekonomsku analizu Uprave za indirektno oporezivanje Bosne i Hercegovine.

U strukturi ukupnih prihoda porezni prihodi i to: prihodi od indirektnih poreza koji pripadaju KS, prihodi od poreza na dobit i prihodi od poreza na dohodak, predstavljaju najznačajniji izvor prihoda sa najvećim učešćem oko 84% od ukupnih prihoda posmatrajući period 2027.-2029. godina. Odstupanje ovih prihoda od predviđenih projekcija moglo bi značajno uticati na finansijsku stabilnost KS.

Pri projekciji ostalih poreznih i neporeznih prihoda, čije učešće u ukupnim prihodima iznosi oko 16%, Ministarstvo finansija KS je zasnivalo na historijskom trendu ostvarenja u prethodnoj godini, pozitivnim makroekonomskim pokazateljima, kao i ostvarenju istih za period I-IV tekuće godine uz pretpostavku ostvarenja do kraja budžetske 2026. godine.

Strukturu javnih prihoda Budžeta KS čine: prihodi po osnovu indirektnih poreza, porez na dobit, porez na dohodak, porez na imovinu, zaostali prihodi od poreza, neporezni prihodi u vidu prihoda od poduzetničkih aktivnosti i imovine, naknada, taksi, novčanih kazni i drugih prihoda koji se ostvaruju, prikupljaju i raspoređuju prema važećim propisima na teritoriji FBiH, te tekućih transfera i donacija. U tabeli 8 predstavljeni su projicirani prihodi za trogodišnji period 2027.-2029. godine.

Ukupno projicirani prihodi i primici KS za 2027. godinu iznose 1.514.960.722 KM. Račun prihoda za 2027. godinu planiran je u iznosu od 1.498.349.979 KM unutar kojeg najznačajnije pozicije predstavljaju prihodi od indirektnih poreza koji pripadaju KS, prihodi od poreza na dohodak, prihodi od poreza na dobit koji su planirani u skladu sa zvaničnim projekcijama Federalnog ministarstva finansija, zatim grupa neporeznih prihoda i tekućih transfera i donacija koji su planirani u skladu sa ostvarenim prihodima u proteklom periodu, kao i projiciranim transferima i donacijama od strane budžetskih korisnika. Gledano po izvorima, budžetski prihodi (izvor 10) za 2027. godinu iznose 1.359.391.487 KM. Budžetski korisnici su procijenili vlastite prihode (izvor 20) na iznos 42.625.644 KM, namjenske prihode (izvor 30) na iznos 52.108.842 KM, donacije (izvor 40) na iznos 954.494 KM i tekuće i kapitalne transfere u ukupnom iznosu 43.269.512 KM.

Račun kapitalnih primitaka planiran je u iznosu 300.000 KM koji se odnosi na procjenu primitaka od prodaje zemljišta i robnih rezervi, te Račun finansiranja koji je planiran u ukupnom iznosu od 16.310.743 KM a koji se odnosi na procjenu primitaka od primljenih otplata u iznosu 8.045.187 KM. Primici od dugoročnih zaduživanja su planirani u prihodovnom potencijalu za period 2027.-2029. godina u iznosu 8.265.556 KM i odnosi se na procjenu kreditnih sredstava budžetskog korisnika Uprava policije Ministarstva unutrašnjih poslova KS (tabela 7).



U sljedećem tabelarnom pregledu dat je okvir prihoda i primitaka koji će predstavljati osnovu za izradu DOB KS 2027.-2029. godine

Tabela 7: Projicirani prihodi za trogodišnji period 2027.-2029. godine<sup>22</sup>

Prihodi i primitci		Ostvarenje I-XII 2025. g.	Ostvarenje I-IV 2026. (GK)	Budžet Kantona Sarajevo za 2026. g.	Procjena Budžeta Kantona Sarajevo za 2027. g.	Procjena Budžeta Kantona Sarajevo za 2028. g.	Procjena Budžeta Kantona Sarajevo za 2029. g.
<b>I</b>	<b>RAČUN PRIHODA</b>	<b>1,346,194,144</b>	<b>474,538,172</b>	<b>1,621,495,544</b>	<b>1,498,349,979</b>	<b>1,573,161,786</b>	<b>1,661,470,558</b>
<b>A</b>	<b>PRIHODI OD POREZA</b>	<b>1,128,817,221</b>	<b>409,766,121</b>	<b>1,418,639,421</b>	<b>1,298,192,849</b>	<b>1,372,210,702</b>	<b>1,459,131,267</b>
711000	Porez na dobiti pojedinaca i preduzeća	216,485,721	91,201,744	244,849,972	216,573,157	218,694,154	221,120,724
711100	Porez na dobiti pojedinaca	65,776	21,667	105,000	85,000	90,000	95,000
711200	Porez na dobiti preduzeća	216,419,944	91,180,076	244,744,972	216,488,157	218,604,154	221,025,724
713000	Porez na plaću i radnu snagu	71,301	21,740	790,700	115,000	105,000	100,000
714000	Porez na imovinu	13,772,391	7,739,638	15,992,342	15,300,400	15,600,200	16,100,000
715000	Domaći porez na dobra i usluge (zaostali porezi)	824,535	1,608,979	105,400	885,400	735,200	615,400
716000	Prihodi od poreza na dohodak	332,734,612	119,495,147	456,402,626	395,709,892	434,474,745	478,557,196
717000	Prihodi od indirektnih poreza, od toga:	564,893,095	189,692,282	700,437,381	669,554,000	702,551,403	742,687,947
717114	Prihodi od indirektnih poreza na ime finansiranja auto cesta i drugih cesta u FBiH	6,112,674	2,992,208	4,665,288	4,299,495	4,428,768	4,579,106
717121	Prihodi od indirektnih poreza koji pripadaju kantonima	553,030,236	181,516,157	678,813,385	646,783,038	678,738,551	717,614,499
717131	Prihodi od indirektnih poreza koji pripadaju Direkcijama cesta	5,750,186	5,183,917	16,958,708	18,471,467	19,384,084	20,494,342
719000	Ostali porezi (zaostali)	14,571	4,844	41,000	30,000	30,000	30,000
777000	Prihodi po osnovu zaostalih obaveza	20,995	1,749	20,000	25,000	20,000	20,000
<b>B</b>	<b>NEPOREZNI PRIHODI</b>	<b>137,661,021</b>	<b>50,578,282</b>	<b>158,268,525</b>	<b>155,318,124</b>	<b>156,159,851</b>	<b>157,733,658</b>
721000	Prihodi od poduzetničkih aktivnosti i imovine	7,165,663	599,262	3,774,709	3,083,951	3,083,951	3,083,951
722000	Naknade i takse, prihodi od pružanja javnih usluga	108,603,988	42,977,840	127,783,373	129,275,973	130,550,300	131,924,707
722100	Administrativne takse	5,858,358	1,895,634	6,118,400	6,120,500	6,320,500	6,520,500
722200	Sudske takse	11,369,656	4,935,036	12,144,300	12,845,200	12,945,200	13,015,200
722300	Kantonalne komunalne takse	943	1,987		0	0	0
722400	Ostale budžetske naknade	34,028,217	12,953,613	31,954,593	35,151,200	35,151,200	35,151,200
722500	Posebne naknade i takse	16,576,475	10,798,350	24,561,300	25,632,929	25,632,929	25,632,929
722600	Prihodi od pružanja javnih usluga	35,125,658	11,759,823	43,100,280	42,625,644	43,295,971	43,900,378
722700	Neplanirane uplate - prihodi	5,644,682	633,398	9,904,500	6,900,500	7,204,500	7,704,500
723000	Novčane kazne	21,891,369	7,001,179	26,710,443	22,958,200	22,525,600	22,725,000
<b>C</b>	<b>TEKUĆI TRANSFERI I DONACIJE</b>	<b>79,408,749</b>	<b>14,001,201</b>	<b>41,838,798</b>	<b>41,983,906</b>	<b>41,946,133</b>	<b>41,666,033</b>
731000	Priljeni tekući transferi od inostranih vlada i međunarodnih organizacija	10,372,627	3,020,060	6,739,553	5,461,159	5,739,881	5,416,380
732000	Priljeni tekući transferi od ostalih nivoa vlasti	68,517,406	10,542,280	34,167,105	35,568,253	35,248,027	35,291,416
733000	Donacije	518,717	438,860	932,140	954,494	958,225	958,237
<b>D</b>	<b>KAPITALNI TRANSFERI</b>	<b>275,504</b>	<b>1,487</b>	<b>2,031,800</b>	<b>2,240,100</b>	<b>2,240,100</b>	<b>2,240,100</b>
741000	Priljeni kapitalni transferi od inostranih vlada i međunarodnih organizacija	729	0	20,300	120,300	120,300	120,300
742000	Kapitalni transferi od ostalih nivoa vlasti i fondova	274,774	1,487	2,011,500	2,119,800	2,119,800	2,119,800
<b>E</b>	<b>PRIHODI OD INTERNIH TRANSAKCIJA</b>	<b>31,750</b>	<b>191,281</b>	<b>717,000</b>	<b>615,000</b>	<b>605,000</b>	<b>599,500</b>
789000	Prihodi od internih transakcija	31,750	191,281	717,000	615,000	605,000	599,500
<b>II</b>	<b>KAPITALNI PRIMICI</b>	<b>54,310</b>	<b>18,487</b>	<b>60,300,000</b>	<b>300,000</b>	<b>300,000</b>	<b>300,000</b>
811000	Kapitalni primitci	54,310	18,487	60,300,000	300,000	300,000	300,000
<b>III</b>	<b>RAČUN FINANSIRANJA</b>	<b>86,216,119</b>	<b>8,113,487</b>	<b>316,795,582</b>	<b>16,310,743</b>	<b>14,271,723</b>	<b>13,271,723</b>
813000	Primitci od primljenih otpлата	5,736,365	1,443,124	5,690,729	8,045,187	8,045,187	8,045,187
814000	Primitci od dugoročnog zaduživanja	80,489,754	6,670,363	311,104,853	8,265,556	6,226,536	5,226,536
<b>UKUPNO I - III</b>		<b>1,432,474,673</b>	<b>482,670,346</b>	<b>1,998,591,126</b>	<b>1,514,960,722</b>	<b>1,587,733,509</b>	<b>1,675,042,201</b>

U sljedećoj tabeli prikazani su prihodi od indirektnih poreza iz raspodjele sa Jedinственог računa za sve općine u KS kao i za Grad Sarajevo.

<sup>22</sup> Budžet Kantona Sarajevo za 2027.g. u prikazanoj tabeli ne sadrži razgraničene prihode i primitke iz 2026.g.



Tabela 8: Prihodi od indirektnih poreza iz raspodjele sa Jedinstvenog računa

Prihodi od indirektnih poreza iz raspodjele sa Jedinstvenog računa (u KM)	PROJEKCIJA			
	2026	2027	2028	2029
<b>OPĆINSKI BUDŽETI</b>	<b>79,157,434</b>	<b>83,507,834</b>	<b>87,633,693</b>	<b>92,653,067</b>
<i>HADŽIĆI</i>	<i>4,536,513</i>	<i>4,785,834</i>	<i>5,022,287</i>	<i>5,309,947</i>
<i>ILIDŽA</i>	<i>12,087,340</i>	<i>12,751,646</i>	<i>13,381,665</i>	<i>14,148,124</i>
<i>ILIJAS</i>	<i>9,692,828</i>	<i>10,225,534</i>	<i>10,730,746</i>	<i>11,345,368</i>
<i>SARAJEVO - NOVI GRAD</i>	<i>19,979,336</i>	<i>21,077,377</i>	<i>22,118,744</i>	<i>23,385,634</i>
<i>SARAJEVO - STARI GRAD</i>	<i>5,123,861</i>	<i>5,405,462</i>	<i>5,672,529</i>	<i>5,997,433</i>
<i>SARAJEVO - CENTAR</i>	<i>8,695,444</i>	<i>9,173,336</i>	<i>9,626,561</i>	<i>10,177,940</i>
<i>SARAJEVO - NOVO SARAJEVO</i>	<i>10,019,748</i>	<i>10,570,422</i>	<i>11,092,673</i>	<i>11,728,025</i>
<i>TRNOVO</i>	<i>1,957,563</i>	<i>2,065,149</i>	<i>2,167,181</i>	<i>2,291,310</i>
<i>VOGOŠĆA</i>	<i>7,064,801</i>	<i>7,453,074</i>	<i>7,821,307</i>	<i>8,269,286</i>
<b>GRAD SARAJEVO</b>	<b>12,447,858</b>	<b>13,131,978</b>	<b>13,780,788</b>	<b>14,570,107</b>

Raspodjela prihoda za kanton i općine/grad pojedinačno za period 2027.-2029. urađena je u skladu sa metodologijom propisanom Zakonom o pripadnosti javnih prihoda u FBiH („Službene novine Federacije BiH“, broj: 22/06, 43/08, 22/09, 35/14, 94/15 i 17/22).

U nastavku su dati prihodi od poreza na dohodak u zbirnom iznosu za sve općine u KS i za Grad Sarajevo.

Tabela 9: Prihodi od poreza na dohodak koji pripadaju jedinicama lokalne samouprave

Prihodi od poreza na dohodak (u KM)	PROJEKCIJA			
	2026	2027	2028	2029
Općinski budžeti i Grad Sarajevo	6,587,015	7,212,307	7,918,845	8,722,303

U cilju unapređenja izrade konsolidiranih projekcija javnih prihoda u FBiH, Federalno ministarstvo finansija je dostavilo i projicirani okvir naplate doprinosa za zdravstveno osiguranje i osiguranje od nezaposlenosti, koje naplaćuju kantonalni vanbudžetski fondovi a koji su prikazani u nastavku.

Tabela 10: Prihodi za Zavod zdravstvenog osiguranja Kantona Sarajevo

VRSTA PRIHODA	PROJEKCIJA (u KM)			
	2026	2027	2028	2029
Doprinosi za zdravstveno osiguranje	702,993,271	737,846,255	775,822,875	817,180,251

Tabela 11: Prihodi za JU Služba za zapošljavanje Kantona Sarajevo

VRSTA PRIHODA	PROJEKCIJA (u KM)			
	2026	2027	2028	2029
Doprinosi za osiguranje od nezaposlenosti	70,880,582	74,388,807	78,209,608	82,370,122

## 6. Plan upravljanja javnim dugom Kantona Sarajevo

Dug Kantona Sarajevo na dan 31.12.2025. godine iznosi 817.772.539,78 KM (od čega se na glavnici odnosi 698.749.638,95 KM, a na kamatu 119.022.900,83 KM). U strukturi ukupnog



duga na ino kredite odnosi se 477.156.980,63 KM (od čega se na glavnici odnosi 408.136.381,50 KM, a na kamatu 69.020.599,13 KM), kojima su finansirani kapitalni projekti. Na kredite kod domaćih banaka odnosi se 340.615.559,15 KM (od čega se na glavnici odnosi 290.613,257,45 KM a na kamatu 50.002.301,70 KM), a kojima su finansirani kapitalni projekti i pokriće dijela budžetskog deficita.

Pregled stanja duga i struktura po kreditima i obaveza za servisiranje za period 2027.-2029. godine dat je u tabeli 12:



Tabela 12: Pregled stanja duga i struktura po kreditima i obaveza za servisiranje za period 2027. - 2029. godine

R.br.	KREDITI	STANJE 31.12.2025.		SERVISIRANJE OBAVEZA 2026.		SERVISIRANJE OBAVEZA 2027.		SERVISIRANJE OBAVEZA 2028.		SERVISIRANJE OBAVEZA 2029.	
		glavnica 3	kamata 4	glavnica 7	kamata 8	glavnica 9	kamata 10	glavnica 11	kamata 12	glavnica 13	kamata 14
1	POSTOJEĆI I NO KREDITI	408.136.381,50	69.020.599,13	477.156.980,63	18.892.270,46	40.985.962,84	24.168.830,94	41.591.431,47	20.911.149,32	46.424.299,43	19.455.675,22
2	POSTOJEĆI DOMAĆI KREDITI	290.613.257,45	50.002.301,70	340.615.559,15	13.691.345,88	34.779.792,96	15.690.055,87	33.279.792,96	12.788.287,71	53.039.037,18	11.187.836,95
3	INO KREDITI U POSTUPKU ZADUŽIVANJA	0,00	0,00	0,00	0,00	0,00	0,00	0,00	0,00	0,00	0,00
4	PLANIRANI I NO KREDITI	0,00	0,00	0,00	0,00	0,00	0,00	0,00	0,00	0,00	0,00
5	PLANIRANI DOMAĆI KREDITI	0,00	0,00	0,00	0,00	0,00	0,00	0,00	0,00	0,00	0,00
6	GARANCIJSKI FOND				200,00		100,00		100,00		100,00
7	UKUPNO (POSTOJEĆI + U POSTUPKU + PLANIRANI)	698.749.638,95	119.022.900,83	817.772.539,78	32.584.416,34	75.765.755,80	39.858.996,81	74.871.224,43	33.699.537,03	99.463.336,61	30.643.612,17
8	GARANCIJE	12.538.197,83	723.836,56	13.262.034,39	73.852,17	1.499.343,38	57.386,12	822.921,32	47.832,29	822.921,32	41.600,38
	SVE UKUPNO	711.287.836,78	119.746.737,40	831.034.574,18	32.658.268,51	77.265.099,18	39.916.372,93	75.694.145,75	33.747.369,32	100.286.257,93	30.685.212,55
KOEFICIJENT ZADUŽENOSTI (obaveza/prihod)		8,53%		9,55%		8,89%		10,72%			



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-000, Fax: + 387 (0) 33 562-076  
 Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

Postojeći krediti se otplaćuju u skladu sa zaključenim ugovorima i otplatnim planovima. Uzimajući u obzir obaveze za servisiranje svih postojećih kredita (ino i domaćih), zaduživanje kod domaćih banaka koje je u postupku, obaveze za date garancije, a prema otplatnim planovima, kao i dinamici povlačenja kreditnih sredstava dobivenih od implementatora urađena je Projekcija otplate duga KS za cjelokupan period otplate.

Projekcija otplate duga rađena je na osnovu ostvarenih prosječnih redovnih prihoda KS za period 2023.-2025. godina koji iznosi 1.172.616.577,00 KM. Iznos od 117.261.657,00 KM je 10% od ostvarenih prosječnih redovnih prihoda što predstavlja gornju granicu (limit) utvrđenu članom 75. Zakona o dugu, zaduživanju i garancijama u FBiH („Službene novine Federacije BiH“, broj: 45/25).

Na osnovu navedenog, godišnje opterećenje servisiranja duga KS u odnosu na ostvarene prosječne redovne prihode za period 2023.-2025. godina je za 2027. godinu 9,55%, za 2028. godinu 8,89%, za 2029. godinu 10,72%. Svako, eventualno, novo zaduživanje u toku 2026. godine, koje je planirano u Budžetu KS za 2026. godinu, biće predmet analize i izračuna mogućnosti zaduživanja, odnosno procjene potencijalne obaveze iznosa servisiranja duga za taj iznos zaduživanja u odnosu na ograničenja utvrđenih Zakonom.

Glavne smjernice za upravljanje dugom su sljedeće:

- Raditi na iznalaženju kvalitetnih izvora za finansiranje projekata od interesa za Kanton Sarajevo putem zaduživanja, uz prihvatljive troškove i rizike u srednjem i dugom roku,
- Prilikom planiranja zaduživanja voditi računa da se održi ravnomjerna struktura otplate po godinama u cilju minimiziranja rizika likvidnosti,
- Radi smanjenja valutnog rizika maksimalno koristiti zaduživanje u KM, a kada to nije moguće preferirati zaduživanje u EUR valuti,
- Radi smanjenja kamatnog rizika preferirati zaduživanje po fiksnoj kamatnoj stopi i najnižim troškovima zaduživanja,
- Vršiti zaduživanje poštujući član 75. Zakona o dugu, zaduživanju i garancijama u FBiH, a vezano za ograničenje iznosa duga.

## 7. Zaključak

Smjernice ekonomske i fiskalne politike KS u narednom periodu doprinosit će ukupnim strateškim ciljevima BiH i FBiH, a koji između ostalog podrazumijevaju: ubrzan ekonomski razvoj, inkluzivan i prosperitetan društveni razvoj, održiv okolišni razvoj, efikasan razvoj infrastrukture te efikasne, transparentne i odgovorne javne institucije. Obzirom da KS ima ograničen utjecaj na kreiranje fiskalne politike općenito, a koja se odražava na ekonomsku situaciju u KS, strateški ciljevi ekonomske i fiskalne politike predstavljaju temelj za strateška opredjeljenja KS u narednom periodu.

Na naplatu javnih prihoda u Budžet KS mogu uticati i neplanirane izmjene poreznih politika, značajna odstupanja u kretanju koeficijenta raspodjele prihoda od indirektnih poreza između entiteta u odnosu na trenutno procjenjeni, promjene u nivou planirane otplate vanjskog duga, rad porezne administracije, te razvoj drugih događaja poput novih elementarnih nepogoda. Treba uzeti u obzir i da kategorija ostalih prihoda KS uključuje širok spektar varijabilnih neporeznih prihoda.

Na osnovu prezentiranih podataka, a prije svega zbog otežane mogućnosti usklađivanja projekcija prihoda sa projekcijama rashoda u preliminarnom budžetu za 2027. godinu, od Vlade KS se očekuje da sa dužnom pažnjom iste razmotri i upozna se sa realnim prihodovnim okvirima za naredni trogodišnji period, te u okviru svoje nadležnosti realno definiše rashodovne budžetske okvire prilikom razmatranja budžetskih dokumenata (DOB) koji će u zakonski predviđenom roku biti dostavljeni na razmatranje.



Ministarstvo finansija KS, u skladu sa zakonskim propisima, predlaže Vladi KS da donese Smjernice ekonomske i fiskalne politike Kantona Sarajevo za period 2027.-2029. godina koje čine polaznu osnovu za izradu DOB KS za period 2027.-2029. godina, na kojem se zasniva priprema i izrada Budžeta KS za 2027. godinu.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo finansija Kantona Sarajevo,
5. Evidencija,
6. Arhiva.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)